

Dialog 1:

vendadra	Bun di! Tschercha Ella alch special?
cliainta	Schi, eu tscherch üna giacca choda pel inviern.
vendadra	Jent, che manaja Ella da quista giacca naira?
cliainta	Hmmm, quella es üna bella, ma eu vess plü jent üna giacca da culur.
vendadra	Natüralmaing. Che culurs preferischa Ella? Vi là vessan nus üna bella giacca cotschna.
cliainta	Cotschen nu'm plascha uschè bain, ma uschigliö sun eu averta per tuot las culurs.
vendadra	Stupend. Quia vessan nus üna giacca blaua ed üna verda.
cliainta	O schi, la blaua am plascha fich bain.
vendadra	Bel. Che grondezza ha Ella?
cliainta	38.
vendadra	Bain. Quia füss üna in 38. Voul Ella provar aint la giacca?
cliainta	Schi, jent.
vendadra	Las cabinas sun vi là.
cliainta	Grazcha fich.
vendadra	E lura, co va la giacca?
cliainta	Quista giacca va perfet! Che manaja Ella?
vendadra	Schi, quella Tilla sta propa fich bain! Ella ha il listess tun blau sco Seis ögls.
cliainta	Eu crai ch'eu piglia quista.
vendadra	Super, quai es üna buna decisiun.
cliainta	Grazcha fich, ingio poss eu pajar la giacca?
vendadra	La cassa es vi là.
cliainta	Stupend, grazcha fich!
vendadra	Grazcha ad Ella ed a revair.

Dialog 2:

Carla	Guarda üna jada quist t-shirt.
Tina	Chenün, il brün?
Carla	Na, il gelg.
Tina	Manajast cha quel am giaja?
Carla	Schi, sgür.
Tina	Ma quel nu s'affa güsta cun mia schocca alba.
Carla	Schi, tü hast radschun. Co füssa cun quista blusa violetta?
Tina	O schi, quella es fich bella, ma eu nu sa, sch'ella am va. Ella es ün pa pitschna.
vendader	Tillas poss eu güdar?
cliainta	Schi, eu provess jent aint quista blusa. Vess El forsa eir il nomer 40?
vendader	Be ün mumaint, eu guard güsta.
	<i>Ün minut plü tard:</i>
vendader	No vain quista blusa in Sia grondezza, ma be in verd cler.
cliainta	Hmm ..., puchà. Ma quista am plascha eir fich bain. Eu tilla provess aint jent.
vendader	S'inclegia, las cabinas sun là davovart.
cliainta	Grazcha fich!
	<i>Davant la cabina:</i>
Tina	Che manajast, Carla?
Carla	Uau, quista blusa es sco fatta per tai!
Tina	Schi, eu chat eir. Ed ella s'affa eir bain cun mia schocca alba. Eu pigl dimena quista.
Carla	Stupend! Quai es üna buna cumpra.

Dialog 3:

Eric	Uau, quist t-shirt es coolischem! Das-ch eu avoir quel, mamma?
mamma	Eu nu sa. Quel es bler massa sgiaglià.
Eric	Fa il bain, mamma. A mai plascha'!!
mamma	Guarda üna jada quantas culurs: cotschen, gelg, verd, orandsch, pinc e nair. I'm fa mal ils ögl da verer sül t-shirt sgiaglià. Nu lessast plü jent quist t-shirt blau s-chür cun sriblas albas?
Eric	Na, quel nu'm plascha brichafat. Quel es per pops.
mamma	E quel grisch vi là?
Eric	Neir brich. A mai plascha be quist quia!
mamma	D'accord. Lura pigliaina quel.
Eric	Cool! Grazcha fich, mamma!

Dialog 4:

vendader	Bun di, Til poss eu güdar?
cliaint	Schi, eu sun in tschercha d'ün schal chi s'affa cun quist pullover verd s-chür.
vendader	Lain verer ... Quia vessan nus ün bel schal grisch. Co Til plascha quist schal?
cliaint	Hmm, la culur es ün pa lungurusa. Ha El eir culurs plü fermas?
vendader	Schi, quia vessan nus ün schal cun üna muostra verd orandscha. Co Til plascha quel?
cliaint	Fich bain! Precis quai ch'eu tscherchaiva. Eu pigl quel.
vendader	Stupend! Dovress El amo alch oter? Nus vessan amo üna chapütscha chi s'affess cun quist schal.
cliaint	Na, grazcha. Chapütschas n'haja avuonda. Eu pigl be il schal.
vendader	Stupend. Lura po'L güsta gnir cun mai a la cassa.
cliaint	Schi, grazcha fich!

Dialog 5:

Selina	Mario, guarda üna jada, eu n'ha chattà üna schocca per las nozzas da Sandra. Che dist tü da quista?
Mario	Schi, quai es ün bella schocca! Ella es però naira, sco tuot tschellas cha tü hast in s-chaffa.
Selina	Nair va adüna. Nair es elegant e schic.
Mario	Schi, ma quista schocca quia at stess eir bain cun teis chavels s-chürs.
Selina	Üna schocca gelgua cun fluors violettas? Propa?
Mario	Schi. Prouva aint üna jada! Tü vezzarast!
Selina	D'accord. Eu tilla prouv aint.
	<i>5 minuts plü tard:</i>
Mario	E lura, co va la schocca?
Selina	Guarda!
Mario	Uau, che bella! Quista culur at sta fich bain!
Selina	Schi, tü hast radschun. Ma la schocca es ün pa massa gronda.
Mario	Spetta, eu dumond a la vendadra!
Mario	Ch'Ella s-chüsa, vess Ella quista schocca in 38?
vendadra	Hmmm, eu vegn güsta a verer in nos deposit. Be ün mumaint.
	<i>2 minuts plü tard:</i>
vendadra	Ella ha furtüna. Eu n'ha chattà üna in Sia grondezza.
Selina	Super, grazcha fich!
	<i>5 minuts plü tard:</i>
Mario	E lur co va la schocca?
Selina	Ella es perfetta! Eu pigl quista schocca.
Mario	Stupend! Lura pudaina uossa ir a baiver ün café.

Dialog 6:

vendadra	Che vess Ella jent?
cliainta	Eu tscherch üna chapütscha per mia figlioula da dudesch ons.
vendadra	Che manaja Ella da quista chapütscha pinca?
cliainta	Eu nu sa, scha quella culur tilla plascha amo. Pel mumaint preferischa ella culurs plü s-chüras.
vendadra	Co füssa cun quista chapütscha?
cliainta	Schi, quella es ün pa plü speciala. A mai plascha quist blau. E'ls puncts brüns sülla chapütscha s'affan bain culla culur dals chavels da mia figlioula. Eu pigl quista. Ingio es la cassa?
vendadra	Vi là davo las cabinas da's müdar.
cliainta	Grazcha fich!
vendadra	Grazcha ad Ella!